

歸

愚

詩

鈔

歸愚詩鈔卷七

長洲

五言古詩

別亡妻墓

白衣白髮翁來祭亡妻墓
麥飯澆山泉生平此饜飫
汝魄依尊章眷屬時相聚
我老方遠行征輶赴長路
眷焉不忍別欲去屢瞻顧
我心餘愴怳恐汝常不寤
回首望高原愁雲滿深樹
去天一涯魂夢難飛度
我生復幾何淹茲景將暮
百歲歸其行與汝重遇

送周迂村南歸

京華人海中役役摠名利君家獨超然孤雲不受
制冠蓋斷酬接冰雪入夢寐采詩百餘篇囊中已
不匱來既無所因去亦無所繫半載共晨夕一朝
遽分袂離別易增感垂老心尤悸誰謂丈夫別竟
與兒女異登車即天涯會合難預計佇立望征塵
浮雲杳無際

哀愚民效白太傅體

吾吳禮讓俗胡然逞凶黷無食訴長官面縛乞平
糶長官怒赫然敲撲如賊盜愚民忘分義烏鵲亂

叫譟千百為一羣厥勢同聚嘯大吏捕曹惡草疏
上陳告若輩當誅夷迅疾不待教至今蚩蚩魂昏
寐永無覺追沂無食由此事足悲悼吳民百萬家
待食在商舩轉粟楚蜀間屯積徧涯隩商利權奇
贏民利實釜竈彼此兩相湏歎歲補凋耗不知何
人斯建議與衆物常平博虛名商屯竟一掃譬如
水無源立涸者流潦三吳既紛爭兩浙亦召閭閻
枵輕國法燕雀化鷹鷂誰非斯人徒而忍刈蓬蘢
方今籌東南民食此最要安民在通商利倍商遠
到粟多價自平賑荒有成效今

皇見萬里威惠及夷獠聽言始轉圓因勢利以導
起敝重救急飲食先學校霜雪回春溫下土陰雨
膏請看無知民回心慕忠孝

奉

敕書貞觀政要後

論治漢文後唐文皇繼諸一弛而一張文武道並
須聽諫受譴直用人斥佞諛貞觀近三代斯言諒
非虛雖少雖麟德已臻平治謨吳兢輯政要勒成
十卷書宣宗書屏風小庠得令譽紀綱垂後代詎
云補區區準之等金鏡握之運乾樞我

皇膺圖籙上帑軒與虞一心念民瘼午夜猶勤劬
秉燭披往籍作範同盤盂戒偏中乃從棄駿純斯
超還期弼直者俞哉蕪咈吁勿俾魏鄭公擅聲貞
觀初

奉

敕題牟益擣衣圖用謝惠連韻

秋氣入庭戶節序將人催叢鼓絃瘦鞠瑟瑟飛古
槐彼美念遠人於悵不敢啼涼風尋幽幔明月猷
空閨同心兩無憚素手各相携開筍檢舊服把杵
下閒堦仿佛女嬃砧音響悽以哀更為裁紈綺錦

字密緘題盡師寫閑靜共望征夫歸未知別後體
還稱故時衣貞心既已傳生面若為開聊詠東山
詩愜當誰云非

題齊次風少宗伯台山讀禮著書圖

麻衣掩荒廬地在赤城麓僂步携苴杖灑血漬苦
蓐痛心何怙人銜哀向誰告遺澤把父書古禮究
喪服呼籲動鬼神弔唁感麋鹿想象樛溪旁春草
或未綠伐傳

天語至資爾舊講讀平世無欲情編校即空谷况
當踰小祥堂斧已堅築但期經史光勿限歲月促

報

命殫肅恭訂古啓械匱載記觀會通成周審經曲
班史核是非西京綜紀錄漢魏暨有唐注疏殊種
族途岐無兩是道合有同宿是時窮陰閉風雪僵
竹木四山噤鳥雀大地斷樵牧瓊臺沒層巔石梁
凍飛瀑獨有素冠人虛堂秉明燭千行細鉤纂十
指忘皴瘃既久卷軸成封函達書局垂為不刊業
西山光煒煜

帝曰爾南來綏爾以第祿前輩寫作圖

帥蘭皋前輩

苦

心傳尺幅取意不取形意到理自足子孝永不忘

君恩久彌渥敬告為子臣倫行慎相勗

送家松友孝廉南歸四章

秋氣滿寥廓木葉千林飛之子動離心慨焉賦旋
歸日夕共談討半載相因依一朝遽分袂值此霜
露滋遠別本傷神更逢年老時因思後晤遙倍覺
離情悲

枝葉遡本根科名同譜籍況當意氣合形骸久不
隔省譽並箴規履道互補益情隨周旋深業以歲
時積葆真勵自今結念緬在昔共守歲寒心青青
看竹柏

今年試春官未采藍田玉予抱慙慙懷東坡失方
牀子獨安義命冲然守虛谷鉅以纖造基遠由過
展轂行將圖後效歸去搜敝簾試探未滿心宵長
秉明燭

輕帆下潞河計日歸衡門循陔賦采蘭調饌潔芳
蓀長筵羅子姓寒月逾春溫始知天倫樂不數三
公尊顧我猶匏繫索居而離羣夢魂不言勞飛度
吳江濱

寧郡王招集東園看菊

賢王夙愛士嘉招赴東園東園足野趣曲折成邱

樊秋高吐清芬佳菊盈庭軒先時閱精英及茲霜
露寒本非繁華質不爭艷陽天花蕪人共淡境與
心俱閑主賓靜相對幽契憺無言所珍匪蘭肴落
莢良可餐

月令記黃華後世紛五色逸韻偕豐容種族分南
北於今盛海洋敷榮島間國造化呈殊形職貢歸
有德園中備羅列玉篆標題額扶傾插援本浥潤
資泉脉人遊獻平郎轉似柴桑宅所好自歸懷物
我終不隔

命工繪作圖抽思滙成譜圖以寫形神譜尤備枚

數辟諸傳氏族韋杜天尺五寒煥稽四時墳埴辨
九土順性還其天集菟自我主席間細把玩語妙
同揮塵因譜驗花叢印合匪誇詡歡餘晚風清夕
陽散郊墅

食豆粥

連朝缺糧粒土竈煮豆粥頗近田家味取足充我
腹奴子心不然見之起慙慙謂我為達官二品重
章服縱無五鼎養何妨餐梁肉自奉同監門曷以
處童僕我為奴子言爾勿輕麥菽用物戒暴殄節
性澹嗜欲撫時况艱虞慨焉起頻顧連年山左荒

齊魯一路笑掘草剥樹皮形狀如鳩鵲夫婦兩相
棄兒女無處鬻人肉上碓俎骸寄烏鳶啄江浙米
告無商販停舸舫一石三兩餘炊煙稀茆屋民愚
聚鴉噪官刑斷蛇虺

聖心遍撫綏衆未安邦族況今大金川連營極巴
蜀地險重駐防兵多急輸粟運糧上青天後者受
刑剝軍中枵腹徒僵仆填阮谷我曾得安飽撫躬
媿竊祿雖非蕪蕪亭意味近淳樸方今奢汰者珍
味窮水陸下箸直萬錢縱恣越邊幅非分嬰網羅
得禍一何速我今自食貧庶免覆公餗奴子聞我

言侈念頓消縮主人古性情塵海抱僻獨口腹遜
他人安恬遠鴆毒我儕免饑餒何敢萌貪黷歡言
慰奴子從茲享清福食苦亦得甘俯仰無不足何
以佐饔飧作羹杞菊

贈劉給事蘭谷

宛陵負正氣立身恥嬰盜事

君無隱心勿欺始能犯

主德慎初終人言辨側論持謙斯受益防僞先屏
調兩疏載史成天下服其敢平居諧友朋溫潤同
琬琰荏苒笑柔木嶢絕剔崖力藝林重韻語羣推

造古澹詩外事正多毋以風華掩

呈陳體齋師

我師如松柏秉性獨且正溫溫訖子舍辭氣悉退
屏侶侶立中朝議論矢恭敬邪正審用人治忽關
立政責難兼格心敢恃意氣盛諫草不復留欲彰
我

后聖生平喜詠詩風旨別雅鄭仿佛秦中吟傳寫
民利病何當達

九重遠照代金鏡

題松雲聽梵圖集聖教序字

雲寒松復深半嶺積空翠心靜多遠聞境閒息凡
憲幽巖流禪音煙中藏古寺想象東阿王吾山聞
梵貝有聲得湛寂無相謝智慧松耶與雲耶不礙
空明地還期淨聞根更超無上義

吾山漢書
饋魚山

憶故山披雲花藏汲雲諸淨室

硯山山下路水石涵孤清籬落掩暎間一路開禪
局種梅滿晴雪人號梅花僧不須焚妙香微風散
寒英我來坐林下相對惟目成目成心更醉一醉
何時醒自從別故山幾載勞吾形誰寄江南枝空
對冰霜凝林花應笑我負茲草堂靈忽忽付夢寐

紫繞孤烟青倘逢老尊宿話舊寒雲汀

回車嶺

雲煙仙人宮鸞鳳仙人馬安得從之遊度嶺如廣
野此心平險夷迴駕胡為者

白雲洞

黃山雲作海泰山雲出洞為霖本無心澤物及蠕
動悠然復還山惟藏乃能用

仙人橋

仙人空中行何須石梁度其下萬丈深猿鶴亦迴
步輕身倘能過真與仙人遇

到家述懷

主恩天共覆

詔許歸鄉土嗟予廁

中朝慙如腹背羽年衰庸以昏疾作欲而竊一朝
携輕袞旋里仍環堵江湖同日月夢寐依

君父惴惴集木心寧間出與覈圃荒且荷鋤按區
藝蘅莊興高探林泉隨在携朋侶生平慎飲冰所
重尤苟取薄植防化茅高鳥肯啄腐晚節倍守初
老去猶覈女

謹輓

定安親王四章

前遭

國母喪今聞

親王逝

至尊重神傷早朝輟

臨御林居傳消息驚定淚交注臣民愍惶惕德行
況曾傳相聚三春秋一別何由晤日下望茫茫老
病難旋赴唯祈夢魂中得與神明遇

賢王數間平好古與樂善

王心慕古賢文行夙黽勉憶當超朝時

丁卯夏日
命上書

房入侍
講讀入侍

天所遣

汲古綆防短朝嬰而夕側采

納到拙蹇深沉或未足天真並已罕而胡二豎侵
上藥莫能幹幸有文華存選樓共遙緬

去年承

恩歸蒙

王賦詩送禮文倍殷勤藻采耐吟誦詎意天上雲
覆被到孤葑還家誇里閭傳觀五色鳳於今詩空
存開篋付悲痛相期復重過藝術待磨礱

詩意謂
德潛祝

皇上五十萬
壽重會合也

斯言竟成虛回憶恍如夢

在昔輔導時詩文互披覽文期理踈達詩貴味古
澹所忌入晦盲途徑趨僻險經時進

御前

聖人首頻頷

日月照萬方星芒亦難掩

龍種已有孫龍爵異不陝他日付雕鐫會見光琬
琰

授聖恩寺夜宿還元閣

自我羈春明名山付夢寐今來名山中依依如宿
契夕陽淡湖波遙林迎紫氣老僧認容顏茶話尚

堪記白髮無可增素衣喜不漬入夜宿高閣松濤
響清吹骨冷神亦寒偃卧添襪被醒聞鐘梵聲冷
冷落空際心跡兩無著何者為身世行當析塵塵
了此第一義

病中作

卧病憎夜長望辰如望赦及辰復纏綿忽忽又昏
夜水火戰陰陽年老吁可怕此中豈有鬼韓公亦
謾罵平日不慎攝臨事空驚詫人生有始終百年
祇傳舍童子無可呼門人勿行詐靜心以俟之悠
悠付元化

經七里瀨謁嚴先生祠

亂峰東清流千折景明麗先生棲其間遊釣適我
意故人為天子何與狂奴事三公亦浮雲惡有一
諫議范史空矜張所重祿與位我来謁古祠清風
披薜荔仰視箕顙心冥鴻想天際釣臺留遺踪峻
嶒俛無地下視舟行客茫茫總名利

自七里瀨至烏石灘作

玄英宅已遙釣臺尚堪攬輕帆入清湍漾漾風微
颭江狹千曲紆山逼兩涯斂沙明礫可拾翠映波
疑染鷗鷺各為羣眠立雪分點戍柝傳喧喧津鼓

聞統統峰合路欲窮境轉仍激灩篙師與灘爭利
便忘夷險一折復一灘撇捩服其敢恠禽啼叢木
炊煙上岵廣無營景俱恬有得意彌慊建德昔名
邦雲外指黠黠長吟懷謝公今古同所感

紫陽山謁朱子祠

昔年子朱子讀書紫陽峰肩承程周緒孔孟日再
中致君本誠正樂道隨窮通邪正不兩立宵小羣
相攻占遯守恬退行藏斷諸衷至今小山名仰止
如華嵩我來講學地瞻拜攄虔恭自慙讀公書理
境猶未融研摩干祿學缺略反已功行當勵耄年

還思鼓衰慵

自梁下至潛口作

東風掃積陰天許遊名山輕身上籃輿屈折尋溪
灣村邨放桃花含笑何嫣然籬落散雞犬鄰屋動
炊煙是時土膏潤舉趾來中田三農有好懷相見
開歡顏語言未盡通指趣依約間具言歲時和蕪
逢長官賢覩此風俗淳愈念民依艱行行赴潛口
處處翻濤瀾地與人名符退藏義所安前途失平
坦遙指千煙鬟

自潛口行三十里宿山家

一路灘聲迎一路灘聲送紆迴入亂山崎嶇步難
縱嵐嶺四圍合罅隙疑引縫境轉心目開仍見天
宇空平疇花竹間人家業耕種漲滿筏急流溪喧
碓常動前行日下春四野煙光重野猿發哀吟驚
禽起竒嘆橋斷涉水行融和已消凍行行投山家
蘿屋傍巖洞遇我如故人摘蔬饋清供靜坐憶所
經一燈恍如夢

度石碛嶺

谷深沸淙潺山亂圍合留緣山臨無際注目氣先
警徑仄趾不受石礙頂欲壓覓路穿高雲盤盤百

千級同行有難並後進履防躡磴危碎石支沙崩
古槎接亦知垂堂戒尋幽願深入到頂身屢疲趨
下目轉睫半途不退悔踰險終寧帖寄語學道人
用志慎毋怯

浴湯泉

清泉孕丹砂嘉名著巖壑陰陽變溫涼大造司橐
鑰養晦明夷同交融既濟若盈以蘊其美虛以出
其惡能盈復能虛終古常不涸予懷矢日新潔躬
在䟽淪氣蒸雲上浮性定流不躍物生厭清寒我
心忌燠灼惟茲中和德調劑無偏著願言滌塵煩

清心契冲漠

慈光寺懷普門和尚

黃山亘古來吟詠始太白蒙茸氣鬱盤奇奧未探
及後賢踵事者面目略能識前明普門師遠道來
滇楚馴擾豺虎心追躡猿鳥跡積誠通人天九重
召前席慈寧疊賚予敕建香林域一心役百靈到
處剪荆棘巖壑獻奇巧高深徧筇屐盡洩兩大閼
造化難愛惜乃知空門中具此大願力移之衛孔
周經世多壁畫往事感塵沙兩微清名董今昔一
覩木蓮花令人念遺澤

發慈光一路經老人峰緣天都峯趾過斷
凡橋上木梯至文殊院宿

欲窮升仙境言別金仙宅取徑傍嶮巖穿松入蒙
密盤盤路忽高十步三憩息巖深谷虛北澗瀉泉
噴激經過老人峰偃僂似迎客戔戔陟橫雲境界
頓開闢沿緣天都趾仰睇蓮花萼崖裂容一人磴
仄礙雙屐扶掖憑山僧驅蛩勢難隻尻高首偏下
穿洞行匍匐入井復出井牽縋用全力支木接斷
橋梯空上危壁中到頂地平坦舊締化人域千峰
總圍抱一氣周羅歷造化理所無到者人方識辛

苦苟未經奇快何由得彌勒許同龕留此桑下迹

天都峰

黃山天下奇天都峯之特絕地九百仞陡下如斧
劈勢疑塞高空體許鎮地脉四面總換形不改性
正直無心拔衆上衆自莫敢敵通體斷寸膚萬石
怒分坼蚪枝蟠千年蒼蘚積五色石室開曠朗甘
泉流罅隙或云仙人軒轅此遊息浮丘與容成
飛行無留迹斯理果不誣長生歸有德胡為學仙
人空聞鍊金石

登蓮華峰

天公弄狡獪產茲石芙蓉外辦疊攢簇中窾環玲瓏始進本曠如漸高體難容綠莖上千級穿孔攀百重梁危俯懸流梯接凌虛空屈伸抱崖石絕壁難支筇四體失所司目眩心冲冲力盡到巔頂四顧風雲通左右拍江海一氣冥濛中始知黥山峰華嶽爭長雄豈惟藕如船笑問昌黎翁

下百步雲梯過蓮華溝穿鰲魚洞作

山轉路滅沒險逾川中棧斗然遇雲崖直下足難踐已累百步梯誰數九折坂探奇志勇猛前進不敢嬾氣銳力副之崎嶇亦平坦迴合望欲迷凹凸

勢莫鏖行過蓮花溝一線蜿蜒蜿是日雲煙凝四
望失巉巖策恐支虛沙足防滑蒼蘚高步躋危岡
恠偉忽在眼有境窺門垣無底入甌窳呀呬疑吞
人僂行敢驕蹇漸穿巨鰲腹神定體幾瘡飛鳥斷
踪跡樵者見亦罕行當逢客成丹臺路匪遠

過此
為煉

丹
臺

登獅子峰望石筍石

奇巖搏象形雄踞高嶺嶙嶙發興登其巔餘勇賈未
窘後顧氣混茫前瞻境虛北到眼驚喜并荒幻見
石筍刺天攢千戟迸地出萬菌破碎互相糅逼迤

自詩金一
逋徐引觀此靈竒質衆類覺窘蠢物象隨人名埋
俗半堪哂鬼工險莫加天匠巧欲盡而胡六六峰
轉使嘉名隱跡高人莫知其顛樂肥遯維時罡風
來壑谷吼聲殷愜心願少延佇足防未穩下阪屢
迴瞻眷戀猶不忍

登始信峰

峭峰斗然裂下瞰無底淵危杠支斷崖偃松兩厓
連攀松度危杠直造峰之巔定空庵名留丈室鳥巢
此棲禪平視五供峰仙掌疑擎天俯視散花鴈四
序春芊綿仰視石筍竪萬株立我前收攬有獨得

今取人無權境界到始信難向塵中傳何當偕白
猿高枕峰頭眠

憩雲外峰趾度數嶺至皮篷

以杉皮為篷

我從雲中來又尋雲外路稍稍憩雲根盤盤跼微
步黯黯穿荒榛喧喧聞瀑布山花媚遊人徑仄不
暇顧少焉逢坦夷短筇且停駐迴瞻峰頭雲是我
經行處澗泉趨正絕涉水濕芒屨何來午鐘聲星
星空際度撥雲問香林蔥鬱娑羅樹山僧松圓孫
耕厓係程孟陽後人猶餘詩人趣相遇不言禪默默得靜悟
前行逐孤雲更向巉巖去

陽明書院

觀人取大節疵類在所捐魯公篤忠貞成仁重耻
山豈以二氏學苛責俾無完我我文成公出身當
險艱瀕死觸逆奄決機禽叛藩一戰平八寨餘威
警羣蠻忠可貫金石力能靖烽煙至今中天閣書
名英風留几筵柰因良知學多口交詆譎吠影旋
吠聲童昏狂且顛持論貴平允出入毋黨偏公應
悔講學衆應戒求全術業縱未純建豎終不利寄
語陵轢人甚勿逞談談

宿大佛寺有述

誰將五丁力開巖成堂皇鑿石肖古佛形倍邛鄙
長見者悚然驚委體投空王我來晚棲宿齋鉢分
餘糧相接有老僧自云來楚疆少歲嘗從軍曾受
刀箭創垂老投佛門拜經十五霜聞言感精誠苦
行貴有常夜深宿僧寮一燈耿孤光殷殷梵放聲
夢寐俱清涼明當陟雲表回首空蒼茫

度滕公嶺

同行者葉君義山析塵
質瞿二上人

昔度平靖關高嶺半煙霧今上滕公嶺巔頂不知
處十步三憩息拄杖屢回顧峰巒陰晴雲林襍古
今樹諸山四迴環未午疑日暮崕傾向人落磔裂

勢欲怒路半力已疲境轉氣仍怖老我攀藤行山
僧入雲呼力窮終陟岡度險得坦步石屋無一人
惟留白雲住遙遙山外山疊疊馬奔注款語問山
僧何處天台路僧言汝堅心應真行可遇天台路
在前只須驀直去

度萬年寺後嶺穿林涉澗緣岡踰嶺二十
餘里至石梁

出雲復入雲度嶺還上嶺遙山千圍合環抱下疑
井跼步恥後怯鼓勇赴前猛涉澗流方激穿林光
欲曛是時秋氣高萬樹微霜凝丹砂間點漆錯雜

類文錦游目奇已過醉心趣旋領輕身降平陂橫
從辨畦町覓徑得荒菴萬松庵叩門乞苦茗迴憶攀
陟餘險夷變俄頃前聞輕雷聲殷殷路修永行將
度石梁漸入仙人境

石梁觀瀑

臣靈用全力兩涯忽分斷放出三白龍夭矯互鬥
戰莫窮水之源直下急於箭巨石不容水水怒力
逾悍水石兩相爭倒躍勢撇漩如傾萬斛珠噴灑
濺崖岸滙合赴一門迅疾激雷電俯看奔駢馬仰
睇掛匹練久坐心骨寒乍驚耳目眩石梁跨穹窿

劍脊險逾棧猿鳥亦回踪客子敢輕竄過此逢仙
真堪使凡骨換雲裳許栽服芝草當餐飯津逮有
何人渺焉悵雲漢

瓊臺望雙闕

山形如缺爪戕戕倚天半插根清冷淵陡削天匠
鏟欲上無梯級鳥路懸一綫行人緣線升有足不
敢健猿挂憑攀藤蝸旋疑陟穢終焉上層巔攬奇
遂初顛兩峰劃然開雙闕峙對面宛如龍門鑿亦
似伊闕斷放眼千青螺重重累峭嶺此中列仙人
踪跡多變幻寸心果精堅鶴駕行可見何處天堯

峰夢魂餘眷戀

寒巖

突兀萬仞岡一獅踞其頂猙獰欲搏人象犀勢俱

屏旁有石犀寒山昔宴坐三年等俄頃至今蟠膝處

石上留餘影虹梁跨彎環下視氣深迴橫飛瀑如

練倒挂藤疑綆晴空蓄風雷白晝幻昏冥人生塵

土胸到此庶一醒野猿時嘯羣孤鶴忽聞警試讀

寒山詩清言發深省

朱夫子謂寒山詩有唐人道不到處

過金地嶺記所遇

層巒千迴折陡下忽平坦洄洄松根泉蒼蒼坡間

蘚藉蘚挹泉流酌取冷然善何來一老僧龐眉手
自撚問僧年幾何行將三大衍年百四十示我養生方
無為順仰俛忘身並忘心數自莫能管大藥在偶
逢苓朮肖龜犬服之屏營為亦足壯關鍵熊經與
鳥申古語術空緬竅下鍊金石伐性適自殄語罷
超然行忽近旋忽遠我欲徃求之雲路迷深淺

宿八义路

晚投八义路歸鳥同棲止村店滿風沙村民半人
鬼蓋茆仍見天土牆欲頽圯迎客有病翁看人多
野豕蕎麥屑作糧連村無粒米問渠何以然未荅

先流涕下相黃河濱四年三大水禾苗無半存廬
舍蕩如洗此間稍高亢猶存舊鄉里幸逢

天子聖賑貸得不死即死已後時感恩入骨髓聞
言黯然悲天灾何由弭空懷利濟心無術救傾否
草具進晚餐勞人易充餒土銚聊偃息夢落荒寒
裏聞雞復長征又見車塵起

題蔣文肅畫茄為梁冢宰

收回畝畝身園蔬解藝蒔白莧榮夏初紫茄長夏
季相逢畫圖中華與實俱備紫紫露下垂澹澹風
前嬌寫自南沙公頗得趙昌秘仿佛觀幽風細及

瓜壺類從知調變人不忘田家味哂彼何曾徒空
然恣豪貴

過南旺懷古

成祖昔遷都天庾重輓漕乃命宋大夫禮治水藉
利導窮年勞人力金錢屢凋耗會通河未成水源
失領要南來艱高仰北去阻淤淖大夫心焦勞曷
以稱明詔老儒有白珙建議如燭照議開汶水源
百里費穿鑿一水從中來汨汨復浩浩兩股忽平
分人力合天巧向南引糧艘注北達倉筭大夫相
形勢草疏乃入告英主從老謀浮論誰敢撓此實

萬世利成蹟留崖澳

熙朝重豐功五等隆位號

賜映
伯爵

布衣易冕服沉淪忽有耀功德苟澤物沒世

猶食報我從神京回踪跡憑一棹風利不得泊末
由親廟貌允念輸輓勞慨焉付憑弔

泚水舟中作

登程幾兩月途路祇及半石尤阻於先時泊運河
畔版牘繼中阻一水忽兮斷啟閉有程期牘吏之
所擅比於瀧吏尊前去阻無算終日守船牕瞽瞍
錯昏旦去家已半載時序幾遷換眠食懷鄉園曠

遯隔禹甸無田乏糧粒緩急仰親串祖墓夢寐中
魚薪何由薦鄉園亦念我情辭若聞見童穉望我
歸竹馬索戲玩姪人望我歸加餐久未勸朋舊望
我歸離索共惋歎諸生待我來疑義湏剖判荊木
待我來乾土資溉灌兩地交寸心縈懷屢回旋相
彼羣飛鳥瞬息越天漢無由往從之仰焉起欣羨

歸愚詩鈔卷七

歸愚詩鈔卷八

長洲沈德潛礪士

七言古詩 長短句附

琵琶引贈仇青蒼

古來琵琶妙手誰第一
段師指授康崑崙
杜彬皮絃亦絕技
對山慷慨稱入神
又聞樂工查八十
縵纓黃袴遊侯門
二百年来誰繼起
仇生青蒼今快士
興酣振袖撥檀槽
一曲清音動人耳
棖棖忽奏陳隋聲
聲聲脆滑春鶯鳴
乍如十三女兒調
俊舌又疑明珠萬顆
迸出玻璃瓶
急絃幽咽音迫促
緩

絃掩抑更相續宮中恍奏後庭花馬上疑彈夜遊
曲停聲轉軸調忽高絃危語切何嘈嘈將軍臨陣
聽馬驕鏐錚鐵騎揮短刀途窮矢盡鼓聲死啾啾
新鬼啼荒郊劃然一響收捍撥豪情十丈胸中發
自言壯歲嘗從軍瀚海長驅肆馳突劒鐔分開漠
北雲馬蹄蹋破陰山雪邊關曲調醉中彈萬里征
人暗流血歸來被褐老江干零落棲遲二十年常
對西風搔短髮更思射虎向藍田鬱輪袍曲君休
製微倖功名衆所憐

景陽鐘歌

老龍鬚鬚蟠秋草草根蟪蛄弔昏曉摩挲猶識永
明年銀泥幾見乾坤老端門鼓漏隔宮闈夢暖香
濃曉不知殿角星殘聲乍響景陽樓上畫眉時雲
龍門開移廟主從此蒲牢卧紺宇何似銅仙辭漢
宮迴望咸陽淚如雨

題黃宣畫魚障子

黃宣畫魚得名勝國時于今猶傳畫魚障尋尺之
間分島嶼滾滾波濤起寒漲千魚萬魚集堂上小
魚游泳隨風浪大魚獨立勢倔強想當經營時天
趣妙入神走筆埽絹素歛忽開金鱗亦復工遠勢

沙平雲淡纖毫分漁翁小艇楚江岸美人竹竿淇
水濱又疑積石既鑿龍門通水勢直趨滄海東赤
鯨已趁洪濤風震雷熒熒行虛空騰身直上成飛
龍古來屈伸變化數伊呂莘渭奮跡還相同人生
局束良可恥汨沒泥沙為貪餌縱遊宜入滄波中
勿復噉喁戀沼沚收圖忽卷雲濤堆匹綃隱隱生
風雷

濟南雙忠祠

祀巡按御史長洲宋公
歷下知縣韓公

大軍向南下屯聚攻危城雲梯攀躡爭先登陣雲
駭城城欲崩御史率縣令奮義抗強敵殺馬食民

民不忍食裹瘡吮血列防衛援絕兵殘勢危急是
時日色無晶光天地黯慘飛嚴霜御史登城望闕
拜稱臣萬歎無以報陛下身誓與城俱亡須臾
城隅陷被執志不屈大聲呵叱如雷霆面受刀傷
漬殷血冲天烈燄骸骨銷原軫歸元竟空說兩公
同日歿騎箕遊昊穹握拳透爪追英風邦人立廟
崇雙忠神之來兮雲旗紅嗚呼千秋享祀歷城下
以媿為人臣而懷二心者

閔三朝要典

嘉廟御極頽乾綱踈遠保傅親貂璫茹花委鬼互

糾結薰天勢，燄何披猖。守原之間，史貶斥。况令婦
寺素朝，常顧命老臣。半誅戮朝衣，血裏投圜牆。清
流白馬禍，更慘一網盡矣。空巖廊顛倒，是非著穢
史手翻三案詞，俯張詞云：挺擊陷國戚，追論可灼
誣先皇移宮，噦鸞肆迫脅康妃八妹奔蒼黃。更云
筆削繼孔聖，大書特書明王章。永為人臣不忠戒
冠以御製文，煌煌黨與秉筆亂忠佞。顧秉謙黃立
孟馬銓等
霾閉日月無精光，同文館獄書黨籍。元祐君子遭
摧戕，二蔡二惇恣兒戲。竟使二帝幽窮荒，此書千
古同繆戾。力鉏忠耿扶姦彊，從來事往有庭論。青

蠅白壁終顯彰刑餘死骨斲身後正士祀典脩烝
嘗所惜國本既剝喪再傳宗社旋淪亡小人勿用
著聖訓承家開國須周防

張鐵橋畫鷹

鐵橋道人性疾惡慣寫蒼鷹露奇狀金眸閃爍爪
拳鐵猛氣稜稜出紙上空堂子立形軒然百鳥驚
飛不敢颺陰山九月天雨雪林木槎枒凍欲折此
時翻空入雲去萬里高天灑毛血胡為歛翼棲枯
枝掉頸刷羽乖雄飛從知畫師有深意要令鷙鳥
藏霜威草間狐兔不足擊健翮且漫橫空馳君不

見鵲鵲巢鳥多惡聲封狼破鏡時從橫會須使汝
食其肉一洗宇宙歸澄清坐看麒麟鸞鳳來明廷

七夕詞

金風驅暑停紈扇皓月舒波淡銀漢聞說天家好
別離雙星此夕才相見誰家新婦駐華軒珠幃遙
從隔巷看誰家少婦嬌夫婿綵縷紫絨帶月穿曝
衣樓畔螢光濕漏轉更深月華淡漫喜蜘蛛與巧
絲還憐烏鵲通靈匹別有秦川竇氏妻秋宵織錦
坐蘭閨三更無寐看牛女腸斷空房烏夜啼

憂旱

春秋特書六月雨六月不雨真天灾况今五月至
六月千里赤地人民哀版田确确苗不活租牛戽
水牛蹄脫溝渠燥乾河底裂農夫盡叫人力竭
冥冥曉霧迷高空氣靄如同月逢晦倏忽驕陽勢
炎赫雲師雨師竟何在有司祈禱心勞攘火焚蜥
蜴同暴殱誰能精誠格昊蒼甘霖大沛歌時康
富家遏糴閉倉困愚民不靖聲喧呼傳聞越邦亦
亢旱民情物力同艱虞賤子三旬九得食無田轉
復憂稼穡憂時為歌雲漢詩仰天歌罷長太息

平雲閣觀朱璧畫天神像歌

古來人物畫手誰最優後有道子前虎頭世間紛
紛傳贗本變眩今古唯朱繇崑山朱璧繼吳顧能
工帝釋天人流嘗從傑閣畫神像墨黠粉默窮雕
鏤森羅布散滿牆壁長廊黯慘風颼颼衣裳肅穆
拱玉簡冠冕秀發垂珠旒或挾長矢挽銅努或披
重鎧操蛇矛或穿旁脇撐六臂或裂手掌開雙眸
驅使罔象鞭策虎彪左駢文狸右騎青蚪飛龍躩
踞肥遺同遊風馬隆隆雲旗悠悠臙臙鬻鬻扶輪
挾輶別隊簇擁千貔貅考錄鬼魅聲喧啾腰間纍
纍懸髑髏變態什伯從冥搜或云有客來嵩山坐

卧三日觀不休臨摹十幅筆力道倏忽四合陰雲
稠雷轟電掣神鬼愁天公下取人難收後知不許
傳佗州歸然畫壁神彩留世遠永無剝蝕憂六丁
呵護司諸幽畫與高閣同千秋

題顧且庵畫竹

且菴畫竹枝見竹不見畫淇園千畝藏胸中揮掃
但覺腕底快沈生展畫圖見畫如見竹虛中強項
故依然對此可以療我俗滿堂蕭颯枝從橫葉葉
盡帶風雨聲知君久通篆籀法不向尺寸摹其形
時無巨眼精賞識十年浪走名難成寫將幾幅鵝

溪絹付與時人論重輕

愁霖歎

陰氣凝結鵙鵙鳴連旬霖雨如盆傾河渠泛溢決
隄岸平疇新秧沒強半吳民比歲罹天灾叩頭神
座聲悲哀仰視不見癡雲開

聞說郊原雨龍闢鍊石誰能補天漏八荒四野無
陽曦乘船便可行中達富家米貴漸遏糴窮簷瘦
男多菜色濕雲壓甑斷朝食

觀打魚行

鱖鱖門外稱水鄉今年水漲流湯湯田疇漂沒水

畜盛多魚何必占豐穰漁舟連翩破空入喧聒聲
如亂鶩鴨四圍設網中鳴榔挺叉齊向船頭立江
湖有路難潛逃羣鱗未死神暗泣須臾收網動盈
萬萬人鼓舞千人看輕舠滿載堆如銀雪白花光
雙目眩近來魚價如泥賤洲渚團聚來稗販剖魚
納鹽入魚腹血色殷紅染沙岸中有金鯉魚尾赤
雷火燒失水偶遭罟罾制厥勢猶欲興波濤雖未
成龍有神氣勸君莫漫揮霜刀將錢買魚付湍瀨
激波如風去何快前途祝汝慎出入禍患更須防
意外過河從古泣枯魚威鳳祥麟盡可虞危機到

露皆礧俎愁煞神龍遇豫直

鬼車

夜寒慘澹陰風呼長天
咿嚶疑訓狐乍東乍西無
定響倏斷倏續行空虛
一聲初起衆聲應似有萬
鬼同悲歡家人聞聲滅燈火掩耳且勿驚童雛蠻
奴拍手嗾犬吠羣犬狂叫奔街衢或云妖鳥鬼部
領滿車載鬼雲端趨車中鬼眼運鬼手下瞰鷄鶩
殘其軀或云此物最荒恠兩翼十首形容殊當年
天狗斷一首至今頸血猶糝餉淋漓一滴濺華屋
高門大宅應焚如世間無物比陰毒但所過蒙恩

驅除吾生疾惡性最猛擬抽弩矢彎雕弧玄雲漫天暗如漆何從覓影行誅鉏夜深飛鳴勢轉盛欲挾鬼族遊清都妖麼莫漫矜得意東方會見升金烏

于清端公紀績圖

大江東來鼓餘怒舊是周郎用兵處我公校武坐廣場士卒饒歌詠朱鷺兩手滿月開雕弧黃閒三發中百步今曾決勝氣槩雄掀髯一飲金罍空吏民觀者爭踴躍公乎毋乃天神同時平尚宜講威武況復滇海交傳烽不似詞人酹江月一尊看卷

千堆雪

右赤壁校射

金陵帝王州繁華甲諸郡
秀民雜其間奸宄日豪橫
長官唯營私有罪何暇問
公來迅疾行雷霆彊梁惡
少難藏形臣魁投竄餘譴責
兒童婦女稱神明公從何處
得踪跡傳說市肆常微行
戟門晨開喧角吹驄馬行
來衆人避愚民爭看真青天
咄咄如聞詫奇事白鬚頰頰
一老翁前宵共飲屠沽中

右市肆微行

送魏昭士還寧都

畊廡子乃居金精之山翠微之峰吾聞高峰可望
不可到天半削出青芙蓉前朝闔室避寇亂攀雲
披霧家其中神州沉淪亂梟鏡獨有此地無兵戎
伯叔季子文章伯稽古窮年抱遺冊置身萬仞蒼
山巔放眼還嫌九州窄鶴書徵召不肯來南山之
南北山北歲在龍蛇喪老成後賢繼起今耆碩畊
廡子乃從金精之山翠微之峰入吳市當時曾寓
闔閭城兩鬢枯蓬一彈指文社詩壇半已荒酒徒
畫史還餘幾末路相知托少年輸心傾倒竟誰是
余本江湖漫浪人相逢握手專諸里酒酣為爾歌

窮途聞者掉頭并充耳。九月霜露降。河橋官柳疎。
征車落莫歸寧都。故山猿鶴相吟呼。磨丹漬墨傳
家學。高卧雲峰好著書。

錢武肅王鐵券歌

錢塘錢氏王家孫。忠懿以後為齊民。家藏乾寧舊
鐵券。精采攸目光彌新。自言先世曾避賊。亂離棄
擲江之濱。漁人網魚得古鐵。有如周鼎出泗濱。裔
孫換歸十斛米。世世什器稱家珍。文云皇帝嘉賚
汝官。汝太尉兼諸軍。誅宏殺昌。盪渠寇捍衛王室。
崇殊勲。恕汝九族子三死。長河泰華國永存。欽哉。

汝鏐其敬聽、頒示天下文云云、從來事往祇陳迹、
唐家事業同煙雲、吳越四傳旋納土、至今臨安宮、
闕皆成塵、我來浙西訪古迹、錢王寤莫留荒墳、昔
聞山林裏錦繡、今見壞道眠麒麟、表忠舊觀亦頽
廢、斷碣剝蝕叢荆榛、隆隆霸業竟何在、惟有銘功
鏤版傳千春、子孫奕世念祖德、無忝忠孝承清門、

刈麥行

前年麥田三尺水、去年麥田半枯死、今年二麥俱
有秋、高下黃雲遍千里、磨鎌霍霍割上塲、婦子打
晒田家忙、紛紛落磴白於雪、瓦甑時聞餅餌香、老

農食罷吞聲笑三年乍見今年熟

雞樹歌為顧嗣宗賦

陶齋坐我雞樹下
擘牋命作雞樹歌
橫空無力盤硬語
敢繼北海銘婆羅
君家何年有此樹
詢諸故老歲已多
老人大父孩幼日
已見合抱迴交柯
託根相傳炎宋代
屢遭兵燹神撓訶
直枝參天接雲霧
膠榦俯地緣煙蘿
童童青蓋蔭數畝
空際不見行義娥
耳邊時聞雷雨作
樹外仍覺天晴和
花開遠近透香氣
恍疑天畔飛曼陀
累累結實供采摘
手潔乍喜新搗搓
孫枝於今亦拔地
龍蔥密葉營

前坡主人齋閣構其下盤桓髣髴軸與邁時招賓
朋共觴酌餽飮鮭菜烹桑鵞軒牕陰沉醉朝雨濃
綠掩暎朱顏醺千年之樹吾所羨坐閱時世驚流
波摩挲老榦三太息此身自訝同蓬科

焦山古鼎歌

焦山如羸江面屯金山對峙疑弟舅金山千尋富
樓觀此間寶氣光乾坤瘞鶴舊銘就磨滅周宣古
鼎今完存枯木堂前古松下遙見高座巍然蹲刻
畫鼎扇夔魍態藏伏饕餮蚩尤魂雷回雲紆互鎔
鑄古篆倒挂釵脚痕中云錫廷臣世惠餘字橋舌

喑難言先王法物起恭敬那敢漫用拍掌捫老僧
為予說軼事袁江嚴相勢燄傾崑崙金玉錦綺不足
貴載將彝器歸私門神物不受權相辱光氣黯慘
雲渾渾氷山摧崩目轉眴此鼎仍復來祇園永歸
禪窟閱人世鐘魚貝梵同曉昏聞言稔知象教力
權奸赫奕何足論是時夕陽落江面江光煙霧相
摩吞驚風呼號神鬼怒駭浪迅疾雷霆奔回看寶
鼎發光恠歎雲直上騰天闔

鑿氷行

月寒霜清水生骨夜半膠黏厚盈尺鳴金四野鳴

壯丁侵曉打水雙足赤白梧亂下河腹開一片玻
璃細分坼大聲蒼崖崩巨石小聲戈矛互舂擊水
深沒髀衣露肘手足皴裂無人色千筐萬筥來河
干納於凌去陰成高山瑣碎琮琤響寒玉白龍鱗
甲池中蟠臘月上弦逢甲子明年海物填街市共
拍冰山十丈餘金錢堆積應相似晚天颯颯號霜
風朝來凍合馮夷宮

客談燒山事甚詳詩以紀之

叢山合沓蔽於菟目睽舌愕常負隅封狼獾獮連
玄狐醜類朋比甘為奴食人白骨堆霜顱下及麋

鹿牛羊豬俚魂蚩蚩効前驅獵人蹶張墮雕弧時
當臘月風割膚蕭蕭苦竹鳴黃蘆四山草木僵不
蘇壯夫憤激忘其軀火攻巢穴良可夫始焉數點
疑火珠乍隱乍現光糝飭忽看烈燄漫空虛炎炎
照耀千里餘林神社鬼來獻諛返風滅火大雨濡
山君咆哮走郊墟血人於牙肆吞屠上帝赫怒行
天誅祝融經天色純朱彤幡赤纛翩絳旗火龍蛇
蜿蜒火馬俱巖焦谷爛驚斯須榛莽灌櫟遭焚如山
精木魅潛逃逋炮燭猛獸燄厥徒存者竄伏黨與
孤兒童伸手編其鬚往時猙獰安在乎開闢陰冥

為坦塗遠近寧貼無驚呼除妖降祥理則符麒麟
騶虞世豈無嗚呼麒麟騶虞世豈無

後鑿冰行

海氣既息海鮮盛洋客販鮮輕性命舳艫載冰入
滄海水賈如金未能平去吳中甯戶慣射利歲歲
藏冰互相慶每當臘月河流堅水面削平似明鏡
五更號令鳩窮民赤脚層冰立難定衝寒掣裂
十指入水支撐割雙脰大聲驚破天吳宮百丈鱗
鱗河腹迸岸旁觀者誰氏子錦服狐裘氣豪橫
呼拍手詫奇絕水戰水嬉無畏勝吁嗟觀者何不

仁令我轉益憂心恹半歎換得青銅錢忘軀謀食
豈天性至今窮民多夭札存者紛紛軟脚病民生
所天重籽粒海物何堪勞餽飮安得百室歌阜成
小戶家家飯盈甌時開茅宇迎冬暄不向冰淵陷
泥潭藏冰有制掌凌去人調燮陰陽準月令

歲暮行

歲云暮矣增百憂跳丸轉轂日月邁終年學道成
鹵莽終歲著書俱謬悠年過四十不得志開口且
莫談封侯曾參殺人市有虎聞者那復窮根由射
工伺影人所畏他山攻玉吾何尤丈夫懷抱在遠

大肯取將相酬恩讐不然閑閑卧窮谷春來黽勉
攜粗糲

蒜山守風

礮車雲起風威急江聲號鳴江起立打頭十丈浪
花麤倒激蒼崖半崖濕颿檣爭向蒜山泊獨上層
嵐望寥廓長江如龍互屈盤金焦挺然列雙角沙
洲一抹晴雲橫蘆中何處炊煙生天寒日落不成
寐卧聽金山粥鼓聲

趙忠毅公

名南星

鐵如意歌

為蔣半關賦

蔣侯購得鐵如意銀絲鏤飾存款識額圖太極八

卦形背列天垣斗星位銘辭無多語詰屈廉而不

歲君子器

銘

流傳知自忠毅公年月日與姓名備

維公生值桓靈朝婦寺秉政同宣驕紛紜鉤黨禍
正慘孟博繫獄訴咎縣城狐社鼠不易去悲歌擊
節心憂焦上方請劔空有志唾壺敲缺真無聊賢
臣從古一網盡遣禦魑魅按邊郊邊草荒荒斷行
跡邊風蕭條邊月白尚書振臂忽起舞手持故物
還拂拭一揮天地欲低昂想見鬚髯立如戟賜環
無詔來邊庭萬里忠魂歸不得陵谷變換廟鼎遷
尚書手澤今依然光彩爛爛照四筵鬼膽震懼那

敢前珊瑚二尺不足擊指揮并勿談枯禪蔣侯蔣
侯知爾所寶在人不在物要令忠義之氣垂千年

墨驢行贈朱玉田

玉田畫驢工意不工似筆所欲到神先行張旭草
書並神速腕下頃刻寒風生四蹄特特聳長耳仰
首欲向長空鳴荒邛蹴蹋殘月白一鞭拍點遙山
橫吾聞玉田素得酒中趣醉後揮毫有神助邇來
無處索酒嘗貌出塞驢非健步昨朝醉酒寫作圖
淋漓潑墨還如故君不見杜陵旅食京華春騎驢
每叩富兒門詩人潦倒有如此畫師沈淪何復云

顧君勿畫千里馬悠悠誰是知馬者

黃山松歌

為翁齋堂作

古盎倏見盤蚪龍鱗甲剝落蒼苔封螺枝偃伏三尺許豈是我嶠頂上萬年不長孤生松問松托根來何從乃在黃山六六之奇峰黃山山高接霄漢古松連螭挂巖畔怒裂石罅斷土膏日月光華潤枝榦工人善鋤鑿長緼繫其軀下緼俯絕澗萬丈懸空虛磊砢山骨巧斲破一卷恠石連根株遠從洞府最深處千里移置幽人廬空堂時有煙靄起天都雲氣髣髴歸來庭隅我對黃山松想象黃山巔

浮丘與容成雲際時往還安得身騎白鹿蒼崖間
松肪食罷體輕舉抗手羣峰迎列仙

古銅章歌

為施一山
考功賦

一室寶氣相騰旋疑有鼎光高燭天主人開囊出
示古銅印知自秦漢之時留人間螭頭龜紐色斑
駁土蝕苔侵半欲落小篆秦相文破體垂垂挂釵
脚急就漢人製馬上從橫偶然作風迴鸞鳳體軒
翥劒斫蛟鼉勢騰躍別有紅文綠字形模餉如鑄
非鑄鑿非鑿上自公侯印下及行軍符牙門部曲
別騎將蠻夷邑長家丞俱私家小印著名氏星羅

通言金卷八
棋布人人殊羸顛劉蹶幾興敗廟社鐘鏞竟安在
雲煙過眼十七朝此印蒼涼閱人代應有精靈永
護持歷遭塵劫常不壞先生博物窮討蒐嗜古以
外無營求靜坐齋閣觀衆妙蒼然古色盈雙眸左
陳犧尊右敦牟更列瓦黍連彝舟閒將金薤細摩
弄留侯馬遷皆我儔史中有留侯太史公二印鴻文高隱師往
哲人與古印同千秋

蔡將軍歌

名人龍吳縣人天啓壬戌進士仕潯州守
備遇徭民亂力戰歿子至中召死士入藤

峽俘其魁縱火焚之藤峽平詔贈人龍遊

擊將軍

蔡侯人世飛將軍身長九尺勇絕倫左射右射開
六鈞上馬下馬舉百斤生兒更似李亞子一門驍
勇非常人時逢猺獠反藤峽草木為屋山為門猿
猱出沒肆攫奪青天白日誅平民將軍奉詔入重
地膽大直欲通於身十蕩十決勢莫敵生鶻橫入
烏鴉羣峽深路險援兵絕漫山賊衆如蜂屯將軍
顛或不願生呼聲動天雙目瞋伏劍血流體僵立
義憤上訴天為昏郎君慟笑召死士拔刀誓衆風

雷奔前驅遇賊氣欲吞殺賊不異屠雞豚深入巢
穴縛渠寇揮刃刳膾何紛綸餘黨拘攣夾碁斧一
火木石俱遭焚埽清藤峽只旦夕報主差足酬先
臣當年卒播砒朝棟史書劉綖昭殊勲楊應龍反播州將軍
劉綖討平之朝棟應龍子也將軍父子闕紀錄雖經贈爵終沈
淪敢告史右秉特筆臣忠子孝光乾坤

華陽令沈公珣節詩

公諱雲祚太倉人崇禎庚辰進士授華陽
令張獻忠陷成都罵賊死王師平蜀後
幼子荀蔚作蜀難紀略上當事備史官采

擇後公得崇祀云

風塵暗王室集鏡戕蜀川護門已下如破竹成都

一髮千鈞懸縣令告內江

內江王係蜀王弟

內江告蜀府

散金百萬感激軍伍忘身殺賊報天子在天之靈
仰列祖不然疆場豕突玉石焚為賊守財徒自苦
徙薪曲突謀不庸賊兵蜂屯蟻聚來環攻礮車奮
擊摧崇墉守陴奔竄四門陷遠近烈燄天俱紅是
時神京適殘破鼎湖龍去難攀從街衢廛市盡羶
穢灰燼廟社移鐘鏞兩地生靈盡塗炭蜀都千里
萬里不欲留兒童血人於牙談笑殺戮吾生爾生

族爾族幽囚臣僚到枷杻脅以刀鋸誘以祿赫赫
華陽公噬齒裂兩目有口吞賊輩豈肯食賊粟呼
聲未絕身首今此日何人收骨肉錦江之水帶血
流白日猶聞鬼神笑彼蒼回殺氣應運生

聖人命將斬旄頭一劒清妖氛兩川坦道無荆榛
破巢幸有完卵存陳情當事達

九閩

天子白俞命爾史臣表忠烈大書特書日月照耀
懸高旻嗚呼千秋可配睢陽之齒常山舌嗟爾降
賊諸人草間活

題湯式九畫像

光啓

遜軒豪蕩才不羈唾棄珪組輕如泥酒酣淋漓拔
劍舞四座閃爍生虹霓中年作畫窮物態花竹翎

毛壓儕輩生動還令西爽驚

童西爽雲間人

蕭疎欲接南

田派

惲南田毗陵人

權門屏幃苦難求貧士綃縑不辭繪

從此得名四十年年光冉冉近華顛盛名終古遭
坎壈卜居無室囊無錢高人寂寞徒為爾豪士顏
唐亦可憐披圖髣髴見顏色白眼看天岸巾幘當
時激壯故依然驥馬長鳴悲伏櫪酒仙劍俠老畫
師後世聲名有人識

送范一元秀才從軍甘肅

蘇臺置尊酒送客此從征
霜林楓欲丹秋動千山聲
吳山木葉向人落邊境此
時風雪惡雪填阬谷馬不
行風割肌膚陣難斫萬里
之行君莫辭將軍奉

命西出師燉煌嘉峪久屯
戍要需賓佐參戎機銅龍
伐鼓斫連下旌旂飄翻蔽
原野軍中齊把綠沈槍帳
下爭騎珠勒馬誰人抵掌
共談兵知是吳中一儒者

王師指日靖烽煙備取長
繩縛左賢煩君奏捷草

露布佇看三日達甘泉城南少婦心傷止還役應
歌杖杜篇

題繁川春遠圖送費滋衡歸蜀省墓

春雲渺渺繁川路萬里歸人此中去澄江巴字向
天迴約略雲安郭邊樹淮海飄零五十年故鄉城
邑尚依然知君瞻拜松楸道落日空山聞杜鵑

石鼓歌

九天星精化為石墜落平地三千霜累累十鼓重
琬琰迄今太學森寒芒籀文蝌蚪形髣髴強尋跟
肘推偏傍車攻馬同建旄旒東都氣象何焜煌蛟

龍鬚鬚牙角厲羣靈荒忽駭鷹凰字傳三百三十
四其餘齧缺難推詳始從陳倉歷鳳翔輦來燕京
由靖康飄零遷徙閱兵火石刻直欲關興亡周秦
真蹟多漫滅穆滿馬磴傳荒唐嶧山之碑遭野火
之罌片石付渺茫中興獵碣獨無恙成周

昭代遙相望神明鬼物永呵護天應眷念岐西王
聖賢法物理不朽豈以世遠淪滄桑傳聞禹碑在
岫嶠紅文綠字垂琳琅昌黎搜索不相遇咨嗟涕
淚流滂滂後人尋山得踪跡恍惚雲際摩青蒼安
得移栽置一處皋益申甫陪同堂方今

聖皇崇道術辟雍鐘鼓紛趨蹌園橋聽講日千計
何止觀者如堵墻討蒐遺文補殘缺駢騶趨趨煩
校量長楊從獵撰詞賦敷陳功德追岐陽自慙貧
賤伏草莽仰望無路排天閭

後愁霖歎

前年赤地千餘里去年三吳逢大水今年霖雨仍
不休波濤滾滾通平疇魚鼈出沒蛟龍遊田家有
麥刈不得對此嗷嗷歎無食

吾家老屋墻垣圯堂堦泥深沒屐齒中宵檐溜鳴
奔湍牀屋漏無時乾風吹燈昏四壁寒曉聞鄰

家墜節屋風雨聲中一家笑

比歲柴荒賈無比況今菜麥淹欲歿百斤三百青
銅錢鄉邨日高無爨煙窮民忍饑伐林木帶雨擔
向豪家鬻鬻之豪家爛魚肉

狂歌行贈金蘊亭移居

丈夫不能馳騁疆場間博取狀貌圖凌煙便當雲
卧避塵世安能逐逐城市終日不得開心顏之子
少負封侯相置身宛在青雲上西之秦晉北幽燕
挾策常思干伯王功名蹭蹬無所成冷落微官氣
凋喪朝泛宛溪水暮宿敬亭雲乞錢不遇蘇司業

糴米誰過鄭廣文歸來依舊棲吳門日飲美酒顏
微醺耳語欲鄙程不識射虎自詫飛將軍酒酣耳
熱吐高論謬悠荒恠不顧驚人羣年來每遭俗眼
白途窮四顧乾坤窄大鵬甘與鷦鷯伍駉駉翻隨
鴛鴦迹塵埃擾擾上鬚眉壯志消磨竟何益幡然
便欲辭喧囂卜宅江邨弄泉石白雲最深處高臥
林塘幽垂綸釣魴鯉荷笠騎耕牛偶然興到著篇
翰寓言髣髴歸逍遙遊雲霄萬里無夢寐閒身今作
坳堂舟繫予僻處鯨水頭東西相隔路阻修望而
不見心懷愁何當訪爾隨白鷗相逢命酒但痛飲

狂歌直欲尋丹壑握手一笑三千秋